

童山詩集

章山詩集卷四

綿州李調元雨村

丁丑

觀繩妓歌

在錢香樹先生座上作

平場如削城西隅長繩挂竿尋丈餘美人捲袖向空擲
觀者如堵爭喧呼一髮千鈞等兒戲弓鞋來往如平地
乍驚波上洛神遊却訝樓頭綠珠墜游絲裊裊動長索
應是五銖仙體著翻身忽躍入雲霄但聞環珮風中落
別有循環姊妹行掣電流星矐睒光閃然欲下不肯下
纖腰倒挂學垂楊舞罷人看傾國姿粉汗釵斜態亦奇

數聲雨點催花鼓六街風細裙帶垂樹影西斜日卓午
坐見此伎世無伍乃知人間蹈險人挹其容顏正媚嫵
登弄珠樓

小樓四面挹風清真箇船從鏡裏行漁港雨過新水漲
鷗汀月落暮潮生淡黃山色螺千點深綠園林鳥一鳴
便欲浮家此中住只愁尚自絆浮名

題錢紉舉符堅訪鳩摩羅什圖

爲查格周先生作

龍驤將軍何僕僕朱衣赤冠來曲沃天生背帶篆文來
屢向瞿曇問圓覺明星昨曜集靈臺主有賢臣外國來
道安雖至何曾聽只將尋師竟不廻豈知白日浮雲變

甲申不見光明殿佛法如天救不得尾長翼短空復嘆
當時誰歌阿得脂魚羊食人無復遺新平寺前成一夢
至今徒見畫鬚眉錢郎作畫工染翰先生什襲邀同看
當年意氣欲臨江畢竟何嘗登彼岸我來拂絹寫新詩
畫還抒送難詞請詢靜理旃檀日可悔馳驅中國時
謁張中丞許侍御雙忠祠

在海寧縣

從來圍城攻既久析骸易子古亦有不聞食及三萬人
人肉食盡仍死守死守者誰許與張戮力同心保睢陽
已將愛妾饗軍士更無雀鼠充饑腸氣吞胡虜聲碎齒
望斷官軍血裂背可憐南八真男兒恨煞進明仇未洗

言集卷四
吁嗟南人不須悲坐視不救誠有之當年執政多左祖
莫恨進明恨房琯

觀錢塘潮歌

八月十五錢塘潮吳儂拍手呼相招士女雜坐列城下
人聲反比潮聲高江頭日上潮未起漁子拿舟泊沙紫
笳鼓乍鳴人競看一齊東向滄溟指忽聞江上聲如雷
迢迢一線海門開萬馬奔騰自天下羣龍蹈跳隨波來
潮頭十丈飛霜霰冰氣橫空撲人面天爲破碎城爲搖
百萬貔貅初罷戰迢遞不聞市聲死羣兒夸強弄潮水
小舸顛簸似浮萍一時出沒烟波裏我是人海中的一粟

覩此目眩身爲縮明朝風靜渡錢塘猶恐再遇靈胥

相傳湖神爲伍子胥

新春苦雪次陸漁六出冲韻贈天寧寺僧

旅舍春寒苦不禁門前活水又成冰梅邊載酒方思客
竹裏烹茶恰遇僧萬里思歸歸未得一年春好好何曾
連朝擬著遊山屐塞道泥濘應且憎

將歸劍南之鄞別俞醉六師經

杖履春風坐有年擔囊行色又蒼然後堂此日辭張禹
前帳當時授鄭元蜀道如天雲渺渺吳船連月雨綿綿
聞雞起舞尋常事肯讓加鞭祖述先

過菱湖訪費雲軒先生

元龍

山莊

先生嘗爲詩

知屢試第一

苕雪最深處菱湖又一村
平田春水岸小艇夕陽門
舊忝後堂客新嘗若下尊
十年深仰止今始入龍門

嘉禾留別漁六

君知我欲歸送我江南路
感君纏綿意爲君且遲顧
于役既有年歸思今始慰
不辭道阻長眷此他山助
關河一以隔後會知何處
淼淼水波雲離離長堤樹
相看兩無言分手自茲去

別烟雨樓

鴛鴦湖上一飛樓得荷同人十日留
此後聊同魚艇散

何時再與酒船浮喚人有意惟黃鳥對我無心是白鷗
嘯咄磯邊鰲莫釣會乘烟雨占渠頭

樓下有釣鰲磯

京口阻風

心疑可無阻身偏風見積夢中如有翼飛過大江西

遊金山寺

自我身爲吳越客揚子呼渡三揚帆六年未著登山屐
行程牽迫如羈銜金山咫尺不得上寸心自愧知愚凡
竭來鐵甕城邊住浪打堅城如鼓僂詰朗塔鈴似招我
好語邀上金碧巖興來性命誰復顧相攜主僕三人咸
須與輕舸抵山脚老僧邀我言喃喃引路沙彌捷于兔

童山詩集

卷四

四

轉灣抹角真秋冕我本遊山非事佛不用擊磬開經函
飛磴凌墟上高頂縈迴紺宇藏岑巒尖峯萬仞雲可握
禪房一徑花光緘是時炎天正初伏火雲裊兀威光嚴
塔高不上恐喘汗但看石洞爭欹欹妙高臺路何斗絕
堞堞萬古窮雕刻古來勝景此爲最不復畏暑窮其巖
靈境覽盡須歸去緩步肩披輕葛衫前此老僧更相送
廣泉亦受真食饒同行各鬪登山健笑謂誰如雙鏤斲
中流復見江豚拜浪花滾起海鳥鵲回看壁立飛霞散
邈乎巧錯天工錢

遊平山堂

一路山低水亦低，畫橋多與畫樓齊。
誰家攜妓歌聲沸，獨自尋鶯柳影迷。
隋苑何須追往事，蘇祠難與續吟題。
老僧問我來何地，在蜀岡西更在西。

謁潁考叔祠

彼狡今何在，孤祠潁水濱。
已悲嘗食母，偏隕拔旗身。
虛閣松聲怒，頽牆竹色新。
春秋開卷看，第一好純臣。

早行汝州道中二首

雲籠遠樹暗，日照亂峯開。
鴉鵲驚飛去，牛羊過野來。
漸覺蒸胸熱，全無撲面風。
馬行山色裡，人在綠陰中。

華嶽

言集四卷
五
名名四岳竦一一衆降奇洗頭遙見女拱立果如兒烟
鎖陳搏室雲開武帝祠峯巔如果到何必涕漣漣

褒城縣

秦棧西將盡褒斜北向橫三川餘故國一笑果傾城昔
獻龍漿種今遺瘦婦僮難頭何畔岷莫作牝雞鳴

費禕墓

奉使伊誰不辱君惟君無負股肱臣鹿車載駕真名士
虎帳彈棋信可人一自北邙同寂寞至今西土遂沉淪
當時望氣何人識千載同聲只郭循

試畢仍歸鵲鶴寺

歸山重掃讀書床一牀寒山木葉黃遊浙有師皆老宿

歸川無試不高庠掃窓已見蛛懸網翻益先看鼠自忙

一秀才回詩已貴吟箋才寫被人藏向補歲考例附三

高等史學臺沈馬諱贈諱問知從錢香樹受陳謂諸生

日送錦江

書院肄業

鵲鵲寺夜多不寐有懷餘姚張淳初義年茂才仰

二雲育補平湖沈雲叔初秀水錢受之受襲兩中

翰

叢林真是一枯叢不盡寒山夏夏風無故忽鳴驚月鵲
有時高叫度雲鴻南邦故友空相憶西蜀人才孰與同

正在夢中難喚醒起來無處寄詩筒

總督黃廷桂纂通志誤引蜀都賦土產而牽連崎
區二字未刪故以詩笑之

剝皮纂通志教人捲地皮如何崎區受與攜杖鞭之

禹碑歌 效楊升菴體

我聞神禹隨山紀刊桮立碑响嶠端不表天假神權收
玉冊太靈寶洞雄南嶠龍文蠕蠕勢萬丈祝融炎炎噴
生煨退之開荒始搜得石廩騰擲悲聲斷嶢嶢半空稀
草木紫殿高聳迎晨報星黏天柱近可摘靈風落帽披
鬚髯窮追夏后登履跡茸茸蒙塞封餘衍鸞飄風泊不

知處空想倒薤交萌芽後來踵武推九叔金石考古探
幽遐覩縷銘爨並敦鼎細及釜鬲親捫搥獨於靈臺笑
荒怪危崖踏蘚空喘牙晦翁繼亦登南岳委曲入逕尋
紆蛇更信張子蠟山屐石觜積鐵橫枒杈悵望神踪不
可到得非闕壑杉蘿遮吾蜀升菴最好事天根海窟收
奇葩親云傳自嶽麓院季文攜得從長沙嗟余生晚見
益隘斷謙苦好如啖迦螺書峭屈形異蠃螭殼篆繡堆
磯啞鋒鋸森森起鱗脊枯藤裊裊纏林樞蝶芒豎立外
稜露蟲蝕剝落中剝窪憶昔洪荒極齧扑巢居黎庶如
棲鴉羽淵愁見黃能化過門不恤兒啼家虞余繡衣備

使令檄楫標軌襄重華鴻濛幽窘犁耒殖支祁伏鎖潛
深涯逼歷元趾功底定盡力溝洫懲驕奢蒼水拔函將
帝旨元圭錫命欽拜嘉盤石屹立垂萬古平城括命非
誕誇蟠光黑字雲如漆青尼古印伴杓宸黻驢風雷走
呵護猙獰巨掌相抓拏何物道人窺此石剝落古碣澌
流蝸君不見宣王獵碣置孔廟商代銅盤歸官衙從來
神物有時出何事聚訟紛如麻矧此深藏靈時室創獲
尤當珍惜加奇文欲辨已箱口技癢安得麻姑爬第恐
精英忌洩露朝夕變化隨烟霞要當斷骨煩巧匠卯汁
拓本瑩無瑕寶以緗練裊玳瑁金題玉躐籠幡紗興來

秃筆應滿瓮看掃盈案龜文斜

青羊宮觀銅鼎歌

我性癖古過米芾洗眼不見寶晉齋青羊銅鼎饒古刻
銷沉尚未寒灰埋老僧邀我方丈坐捧出未示先磨揩
寶光逼我不敢近起視照日持當堵方如簠簋底如鬲
緣尻凹凸形歲裊初疑浮河曝日龜又似迴立當風駟
團團菌蠢脹腹豕縮縮負殼垂涎蝸糝糊細篆半磨滅
歲月討論煩吾儕老僧對我增感喟爲談瑣事供齊喏
云昔法祖渡南海騰舟襲鷲留江淮沙邊夜氣貫牛斗
漁網拾得浮攬簞河伯出獻老蛟怒江湖颶作風滢滢

一自攜歸伴孟鉢萬古留鎮相傳皆此地兵燹幾過眼
戰馬蹂躪時填街往年流賊肆屠戮計簿草殺攢溝壑
蜀宮圖書付灰燼血染城郭擄其姓錦官城頭夜烏啼
青羊筆硯堆枯骸浮屠村舍俱瓦礫兵民百萬爲狼豺
此時寶鼎誰持護得非鬼力神所差至今禮佛空王殿
古韻往往鐘磬諧此語荒唐出處怪我聞頓觸據古懷
在昔黃帝迎胡髯蚩尤作象形徘徊後來荆山九牧貢
鍊出五色爭神媧湯鼎爛石旱可祝玉璫出渭波搖颿
汾陰射應漢武祭百夫扛擗相攜挨是鼎于中豈其一
辟邪定可驅厲疫不爾何爲百遺毀雲覆翻見龍甲排

廬江獻後鄭衆死悔不讀書如高柴市兒何知寶康瓠
只解屬緊調珍鮭有緣却伴清淨室松月夜照門常闔
爲君走筆賦始末真搜險語文多俳向守環堵安睹此
真成井底公孫姓翻然却下林巒去猶見葱葱山氣佳
此鼎不載金石錄著述安得無離仳何當遍覓名山跡
扁舟一棹天之涯

再過楊升菴墓有感

有人不知相國名無人不識狀元坐狀元謫死永昌戍
相國碑高新都城當時議禮誰爲主璵璠逢君爲首輔
撼門一慟震闕廷至今御河白虹吐大禮未定身先危

杖之不死神鬼持。挿花盤髻粉傳面。醉來裙衫當臨池。
可憐一字千金直。急付裝潢尚難得。百峒獠獠皆知名。
九重虎豹竟不識。丹鉛錄比離騷詞。有明博學無與媿。
蜀人固自例遺謫。潮陽儋耳無此悲。至今行客墓前揖。
水聲猶似向人泣。試哦海畔孤臣詩。不覺淚下如縷縠。

古劍行

夜來雷雨吼飛泉。鋒芒上與星斗躔。揭朝放出琉璃匣。
青霜一道翬雲烟。我聞昆吾玉能斷。又聞武庫遭火變。
平生膽氣不解柔。天生剛骨神鬼愁。何須太阿夸往古。
石函遠出豐城土。但令有人加拂拭。猶擬呼龍夜行雨。

灌園

不過數弓地能教百產生花儲粟粟種樹帶石以名蜂
以鼻爲目蟬將翼作聲閑來無所事抱甕圃中行

飲何文淵前輩達者堂

十年不登達者堂今日重瞻玳瑁梁老人開門欣相見
坐我廣厦斲簞牀鞠躬先執弟子禮後序寒暑增慨慷
問答未已羅酒漿鼎列炙膾盤糟觴我抱脾病久節飲
夙凜婦戒怡然忘譬如猩猩最善醉始則相戒終相嘗
眼花大地旋如磨遽然一枕無何鄉覺來胡蝶紛不見
但見落日懸扶桑人生富貴何時足碌碌終當歸北邙

對酒不飲酒應笑豈有再來年少場君看庭前桂花樹
昔如我短今已長但使相過便相飲一任物外雙輪忙

贈王用予

安宇明經

王君鬚若綠坡竹爛爛巖電出其目清晨剝啄來叩門
使我高齋眠不熟雲雨相離又十年五經腹笥仍便便
君歸滿貯桑落酒待我來嘲邊孝先

巴東晚泊

欲下吳江棹聊停蜀客船夜長聞擊柝寒逼想衣綿樹
落山山雨林飛處處泉寇公遺廟在松栢尙蒼然

歸州

天寬峽又束地逼郭逾偏屈宋行吟處孫劉戰伐年灘
聲喧壁葉亂石枕飛泉幾度淪歌曲誰家上瀨船

漢陽感懷

寥落風塵又一秋無聊仍到酒家樓救貧豈更無長策
多病何當更遠遊巴峽啼猿猶入夢武昌哀雁不勝愁
曉來無限離鄉恨付與長江天際流

黃州

江邊木葉紛紛落天外飛鴻陣陣鳴赤壁已無橫槊氣
黃州尚有洞簫聲

小孤山

何年海風刮瀛洲蓬萊吹落西江頭青天波蕩龍鼉吼
黑夜浪撼蛟龍愁丹崖陡立三千丈斬絕黃緣莫可上
危亭聳閣誰扶持蚪木蔓花空依傍昔人以孤言其形
今人以姑實其名洛神湘妃皆被謗石湖誠齋同此情
我來正值朔風阻禱神却不禱神女山靈點頭旗脚回
占風舟子夜深語

牛渚晚泊

此夜西江月遙懸北岸雲空憐李太白不見謝將軍樵
雨緣山出漁歌隔浦聞燃犀如可照幽族應當分

天門山

大禹神功實剖鑄
巨靈劈破勢猶連
雙崖拔地兩邊斷
一水穿天萬派懸
日影曉嵐雲外合
風翻寒影浪中圓
何當乘興披烟霧
直跨峯巒學地仙

登蕪湖城

極目江天客思長
城頭風景最堪望
一江白浪鳴秋雨
兩岸青山話夕陽
出網鮮鱗饒美味
啣蘆過雁落聲長
天涯估客誰云樂
日坐樓船數去樁

無錫縣

初來無錫縣一艇
樹梢橫雪擁寒申
澗雲藏泰伯城惟
多沽酒興誰和咏
詩聲只有鄰船笛
聲聲動客情

天寧寺

在嘉興城內

鐘磬出松林沉沉竹院深
半天酒風雨十日畫
靈雲幾見蛇盤帶空閒
鼠弄琴支公飛錫在東園
一相尋

童山詩集卷五

綿州李調元雨村

戊寅

南宋宮詞百首

宮詞者所以紀宮中行樂之詞也而宋自南渡
以來長脚專權大眼喪氣頒下金牌一十二面
偏安王室百五十年其間聞鶴唳而驚心尙何
紫禁巡遊之樂撫攬宮而流涕豈有翠華臨幸
之歡然而天地無情白頭空老河山如故觸目
生愁余在杭所寓第一山卽當年歷聖之三殿

凡鸞輿之所幸多宮掖之軼問逝者雖湮後來
可鑒因作宮詞百首以補正史三長不無譏刺
微詞半借風謠規戒云爾

表裏湖山畫不如六飛臨幸建炎初蟠空帝闕紅光繞
華蓋雲頭下屬車

元朔朝正各國來景陽鐘罷曉光催百僚鵠立聽宣制
萬歲聲傳繞殿雷

禮祀青郊瑞腦香樂章初奏珮聲長雲開五輅從天下
點點繁星簇玉皇

樓捲朱簾雉尾開鶴銜恩詔下瑤臺閣門幾見鵝竿立

各路腰鈴報赦來

鳳山行闕鬱青蔥
聒耳鴉聲人禁中
自遣諸兒彈射後
一齊飛去赤崖東

雲邊香裊紫烟輕
日午還宮內侍迎
不用玉階瞻豹尾
闔門先聽鮑魚聲

曉奉慈皇入翠寒
凌虛上壽酒杯寬
東風解得君王意
開向醪醕不肯殘

偉觀堂上壺天景
德壽宮中賞月時
無數女童池上去
白蓮橋畔笛橫吹

臨池太母坐龍舟
柔櫓輕搖狎水鷗
更道此中宜卧看

芙蓉十里玉塘秋

步捧肩輿盡母歡尋花深殿遶朱欄
昨宵曲宴需雲內親向官家進小冠

每從侍寢檢龍衣半肯輕綃淚未晞
暗袖金銀示恩倖爭看蝴蝶鬪高飛

鸚鵡來從玉塞旁金牌小字認先皇
不知良嶽人非舊猶向籠邊叫卜娘

幙頭院子繡紅巾餽餽明朝捲箔陳
何物伶官諫丙甲齊傳聖主赦褒人

節近元宵宴壽皇鼓吹燈火鬧錢塘
外間想是年豐稔

細把民情問秀王

艮山門外好遊春
玉輦扶來不動塵
試捲軟簾偷眼望
一灣新綠上湖濱

生菓頻挑冒曉烟
中宮瀾茗賞花天
半園柳絮教人拾
特爲春寒作褥氈

柳絲高颺露紅旗
幾朵鞦韆畫院垂
時有小姬來鬪草
花間笑語伴歸遲

遠信開緘淚已揮
使臣方自北邊歸
寄來手帕痕猶濕
不忍重開御觀衣

百子池頭御柳黃
萬年枝上日初長
半窻忽有金鈴響

放鶴遙知是小瑞

九重清宴拓朱橋淨几無塵屏畫屏邊報不來春畫永
自調香墨寫蘭亭

清秋無事獨徘徊內院無人共把杯風月一聯當折簡
橙香酒熟待王來

慈寧慶賞牡丹期正是椒房受冊時舞楊花曲誰歌得
御製新聲作賀儀

香山尊宿上蓮臺共坐肩輿梵夾來向晚金鈴山外振
新從天竺降香回

金簡臨池世鮮窺簪花書法女中師官家閒向劉妃問

何事香名外國知

御床風細靜焚爐鎮日彤庭一事無忽有棋聲花院裏
對彈知是沈姑姑

產閣時儲海馬皮誕辰先遣御醫知明朝宗戚皆爭賀
錢果爭先送洗兒

射堞標竿出水涯翠芳蘭曳岸邊斜年年湖上春三月
常見官家出看花

魚船繆見雜花飛集慶池頭鳳不歸昨日玉顏偷拭淚
無人知是哭閭妃

歷聲宮車錦作圍坐尊遙自景靈歸不知多少簪花者

但見紅雲夾輦飛

鳳鳥欣瞻剪霧開未知翠羽幾時回
將軍昨揖單于去親向瑤池奉母來

玉壺午漏響琤琮駘蕩薰風日上春
水果浸來香案淨桐陰小殿讀中庸

羅刹江頭浪走沙北風橫打御舟斜
遙傳塞外贊官至中使先簪白奈花

三殿優游話太平經筵御罷頌文明
侍臣其進烏髭藥白髮蒼顏示老成

玉腕池頭滌硯池花牋侍御寫烏絲
微聞閣筆徐生嘆

恨不生同黃米時

秋至深宮玉漏添
賣楸聲裡解金錢
剪來露葉盈頭挿
無限新涼入髻邊

八月江潮海上生
臨江御座與潮平
水軍百萬拋沙板
望闕如雷奏曙聲

落葉盈堦夜雨零
寒侵翠繡蹙圍屏
紅鑪獸炭今年少
詔取嚴州鷓鴣青

蠻獅坐設日瞳矐
香噴金龍遶殿中
別有黃羅擎盒去
齊傳玉食賜東宮

新頒式樣出宮門
不許銀牌冒玉津
親姊往來原不禁

爲曾進過御前人

老鷓緣何踢弄希未知何事出宮闈
昨朝德壽傳恩詔速向閩州喚取歸

月夜西窓細按箏指尖撥出柳梢青
小詞更遣張家製新樣絲桐奉御聽

穠華幾樹御園新剪落金盤朶朶勻
捧出外朝人競問誰能分得紹興春

帝姬嬌小繞廊行正直傳臚殿上聲
漢國欲招新駙馬隔屏偷看唱頭名

曉寒睡起黛慵描緩步牆陰碧草交
一架薔薇扶不起

微風引上綠楊梢

寶墨叢奎四軸餘
驪珠顆顆佩輕裾
內官手裡金絲扇
猶是先皇玉潤書

冰盤飢餒浴蘭時
酒汎菖蒲色色宜
未要門楣懸艾虎
別拈通草刻天師

金殿傳柑綴雪花
綵樓火樹望中斜
宮中遙指鰲燈處
似近司前蔣使家

攜文殿上御經筵
支酒擔冰肩例沿
教問翰林誰宿直
今朝新旨賜餐錢

深宮密坐話昇平
小說閒消秉畫清
演史欲聽新曲子

簾前催喚穆書生

彤庭拜禱萬邦臨
朝罷還尋墮馬簪
開道金人獻方物
就中奇絕玉觀音

獵獵秋原試放鷹
擎來內史翻稜稜
南來不見巢生犬
味激唯推北司能

靜室逍遙著小巾
案前競列果肴新
皇家最信箕仙事
深夜焚香問小陳

那有餘閑製小詞
揮毫偏不費神思
宮娥偷得夜來句
盡是唐人集句詩

殿閣打麥傍城南
臺上觀耕澤遍覃
蘭館尙書傳內直

明朝皇后要親譚

承恩曲院倚紅粧向曉蘇堤看海棠楊柳心如新得寵
向人爭舞綠羅裳

西溪芳草藉輿蓋拂帽春光香滿街每過山林除酒稅
肆中便盡御書牌

誰家紫爛燦星圓軟坐盤輿色倍鮮從此宮衣嫌翠領
各人爭戴孟家蟬

日長無事奈愁何睡起含情呵欠多偶見雙鬟相並立
綠紗窓下教鸚哥

月色橫空按綠腰秋堦梧葉總飄蕭舊京式樣都零落

却唱清歌大海潮

清修尼寺偶焚香原是中宮勅建坊結伴藕花洲畔過
采蓮驚散小鴛鴦

雙隻視朝天未明退回香案內班迎宮娥不識監司職
閑向屏風數姓名

覽鏡雄心未肯低每來角射教場西未知墜馬傷何處
接骨時聞召小稀

御退宮衣五色兼那堪重觀粉紅衫是誰拾得香羅帕
猶有金龍小印鈐

萬歲山前飛畫鷁百花湖裡弄輕漪曉來春色龍池動

太后乘舟看水嬉

湖上看花駕幸頻
天街如洗輦重塵
十三門外雷聲動
大內趨迎女聖人

花落徘徊滿院香
盡收殘蕊作糕糧
小姬別製桐花粥
試請君王小盞嘗

草制常教近御床
內批捧出詔書黃
日長鎖院無宣喚
獨步花陰玉砌旁

鸞綃間引玉津遊
恰值青氈祭祀秋
說道宓妃今犯戒
更求神像鑄盤溝

楊家妹子最承恩
書學官家秀絕倫
忽見題成琴鶴句

始知客幄有詩人

電窓窈窕燭花明
蓮漏轉籤報四更
金殿有書忘目痛
親拈玉管錫佳名

挑盡宮燈不肯明
明月斜深院夢無成
翻憐羣鵲知人意
未曉先聞喚起聲

芳陰人醉漏聲遲
花似醺容透玉肌
珠箔半鈎風乍暖
雕梁語燕聽多時

貴主門楣孰敢經
內家餽問不曾停
猶嫌金尾離宮遠
別築樓臺近掖庭

舞鞵輕換步珊珊
齊著金羅照畫欄
忽報蕊宮宣已到

大家爭向繡簾看

純鈸供錢樂事寬
朝朝撲戲奉君歡
却憐內侍勤勞久
詔許新辭煖盪官

雙雙宮女駕湖舟
覆額青絲未解羞
忽避人來橋裏去
藕花深處一回頭

輕容側貢會稽紗
粗繡年年進內家
染得越綾天水碧
新裁霞帔向人夸

清齊亭前賞木樨
輕敲牙板按歌遲
官家只喜聲聲慢
休唱尋尋覓覓詞

黃閣宣麻日向晨
爲論時事却妃嬪
急傳內侍因何事

要代綸音答使人

逐隊瑤津弄粲初香生菱角襲人裾花間笑博方纔罷
賭得寒光冰玉書

春來紅紫鬪芬芳錦繡亭邊備解忙姊妹邀排挑菜宴
笑看內侍喫生薑

水亭四面碧蓮開避暑隨時翠輦來怪道無人侍執扇
群藏深樹摘青梅

建溪歲貢紫雲團分得龍文御餅圓妃子深宮剛睡起
頻呼小婢汲泉煎

雪香亭畔拭啼痕手握青芝記舊恩銀鑰不收花自落

閒看苦緣上宮門

朝來宮女病懨懨怕見飛光入畫簾
試教挂去鎮香奩

天廡分棚滾畫毬龜茲樂奏殿東頭
繡衣舞動哥舒棒爭唱紅旗第一籌

龍樓侍寢受恩新花外流鶯款語頻
宮女姓名排四季按時傳喚直班人

臚陳百戲御筵張燦錦亭前月送觴
忽召太醫來內殿官家昨夜飲糖霜

碧琳堂上敞窓櫺龍笛仙音徹內廷
偶有松風滿清禁

却嫌絲竹不堪聽

天基佳節滿朝歡
上壽仙漿第四盤
杖鼓堯鄉纔舞罷
琵琶更教一齊彈

德基圖記失堂東
點勘曾經索內宮
昨有小官腰下佩
別教收鎖寶函中

教坊賺色內宮傳
夢寐華堂按管絃
聞有木簪新補放
宣來教唱杏花天

水殿東頭起露臺
金蓮隊隊踏蒼苔
小姬藏入垂陽裏
忽地拈花笑出來

鴛鴦打散合蟬陳
月夜笙歌兩殿聞
譜出京裳誰解按

舞來別賜纈金裙

奉詔歸寧函薄齊祥曦筵上繡釘梨同時眷屬皆恩賚
孰箇先分翡翠篋

德壽宮姬宜紫詔紅霞帔號通傳呼就中別有承恩者
不敢分明問玉奴

花枝馬上繡鞍明錦鎧非同舞袖輕知是君王方右武
故教女子亦能兵

曉風吹送輦聲遙隔夜宮粧候早朝新髻盤成不走落
故來隊裡逞嬌嬈

芙蓉並蒂映秋江小妹低闌立一雙纔整歌喉學鶯語

被人傳喚不成腔

一掬河山如錦繡三千玉貌似花叢一朝放出君門去
不忍回頭憶故宮

夏日西湖二首

水光明鏡出山色翠屏開地濕長疑雨天晴乍戲雷漁
歸深浦去僧帶夕陽回不盡烟霞意偏逢獨自來
西湖佳麗地大半醉紅裙此輩真蝶蟻相歡聚蚬蚊寺
多今代剝碑少古時文惟有孤山頂梅花總不羣

石門道中

崇德片帆過停舟問土風人家桑柘外村市竹林中雪

落遙知鷺霞橫近似虹東與栖泊久漸已作吳儂

食桃

頗愛味酥如酪掬却憐色嫩着脂融高秋記得貧人食
舊在堂前五樹中

董山詩集卷六

綿州李調元雨村

己卯

偕周尤廷

士拔

遊龍神堂二首

尤廷德陽縣令周明府際虞次君也明府豐潤
辛酉孝廉與先君同年去歲曾邀余至署爲太
夫人書七十壽屏故遣子來謝尤廷尚未弱冠
少余一歲詩文敏捷非凡器也留連數日過遊
南村龍神堂諸寺得詩二首奉贈

禪林何處足堪投除却龍神少可遊花被客蟠根盡出

董山詩集

卷六

竹儲人看笋長留不妨對佛同流酸且喜因僧得酒筍
可惜栢松官取盡荒山未便挽賢騶

君家豐潤我羅江萬里相逢意便降敢謂文人今有二
從來國士定無雙翩翩真是佳公子濯濯來過淺陋邦
不是蛩吟無好句龍文已讓鼎先扛

喜唐堯春

樂字

至

一夜驚雷雨朝來見曉晴故人今日至春水昨宵生燕
試新雛羽鷺啼僖友聲論文吾不愧何必定要盟

閒來

不是閒人不解忙閒來惟恐失春光天晴鵲報楊花落

日午蜂喧菜盡黃事歷安危生古慕交因貴賤起今傷
忙中細檢平生事惟有青山味最長

重至鵲鶴寺

畢竟山中氣味宜重來不覺嘆淒其逢人不解虛心竹
入世多慙衛足葵載酒誰過楊子宅窺園已下仲舒帷
壁間遍覓留題句雨打風飄不記誰

農父詞

負郭幾頃田編茅幾間屋昨宵時雨至流水滿溝澗呼
兒迎晨起且復駕黃犢新苗纔幾日膏土滋長育出門
扶竹看微綠已滿目力作不我負佇待秋成熟

牧童詞

奕世爲農家頗念牛力苦既耕亦且種原上草方廬大
牛穿林去小犢鳴遠浦牽牛沿前溪水淺不及肚馴擾
既可欣相觸亦不怒日暮騎牛歸遙村笛無數

開制軍

奏

觀風錦江書院賦得四時最好是三月

得三字

韶華傳令序美景恰幽探總計時惟四欣逢月正三芳
菲遲日麗淡蕩晚春含修禊臨江上流杯向洛南紅粧
濃欲褪綠蓋遠初涵柳暗看穿燕柔稠恰飼蠶草薰憐
益母花媚愛宜男遙憶華林宴高吟與正酬

聽呂桂亭林鼓琴歌

漏滴桐庭月東出疎櫺峭峭風打燭忽然逸韻響東廊
四壁無聲清且肅錦城絲管促繁音琵琶笙笛爭蕩淫
誰將十指朱絲拂一彈頓覺清人心呂子卓犖操風古
焚香爲我按歌譜泠泠梁上欲停雲曼曼松間疑驟雨
忽似高岡鳴鳳凰啾啾百鳥不敢翔又似龍吟水飛立
鼉吼鯨吞皆屏息一聲在高山一聲在流水請君勿再
彈盡善復盡美今夕乍聞君子聲十年躁氣於此平更
欲同君大海去看君瀕洞移我情

初夏病起

一春病過雨方晴徐向新篁竹裏行乳燕出巢飛尚弱
眠蠶食葉輒無聲酒因氣促醉常戒飯爲脾虛飽不成
朋後仙方如可得欲求思邈學長生

古意

管寧名三龍華歆亦居內白眉名三常馬謖亦復在真
論亦難憑忠奸合成隊昆弟無間言賢愚亦未汰取實
終難蒙虛名究誰蓋所以鍾太傅復生毓與會

偃松無挺枝曲水無直流惟其枝無挺能免斧斤搜淮
其流無直亦少衝決憂曉曉故易缺皎皎故易汚剛乃
禍之本柔乃生之徒老子五千言此理終不誣

明鏡藏匣中不拭鏡不明燭光照庭內不剪葦復生劫
蝕本有判黑白何難分一旦失明照玉石皆見焚反將
有用器視爲勿用論

天地生萬物有一必有二人工造百貨有真必有僞等
是天所生或器或不器等是工所售或貴或不貴物本
是而非價相同而異幽莠與禾齊鷄牛與虎類自非灼
見人罔不互軒輊鄭聲亂雅樂聖言所嘆喟聲樂猶不
妨文章亦此累

庭前一李樹枝葉何榮榮下有藤附之相託以爲生扶
疎借恩光延蔓及初萌歲久根蒂固梢刺遂縱橫蓬蓬

出其上朱紫紛相爭李花雖潔白不得如瑰瓊顧爾亦
無悔本鮮則哲明樹竟終不悟枯朽隨飄零吁嗟此足
鑒此樹何重輕

題何愚廬

明禮調鼎圖

君不見太白漂泊黃河間挂席欲進波連山一朝待詔
金鑾殿御手調羹俱奉班又不見世人不識東方朔元
是人間老蝙蝠大隱金門侍玉壺鼎中貯得仙丹籙人
生不遇萼綠華便當勾漏學丹砂修鍊未通三島路烹
調豈到五侯家何人掉頭似巢父琴劍隨身不肯住門
泊萬里槎問君何處去弱水東游是海門沐髮滄溟朝

陽盆更欲西行沂河漢直探星宿踰崑崙從茲心不繫
知君百無累展素接混茫忽動滄湘意我亦江湖泛遍
來無緣不得到蓬萊十二瓊樓空悵望三千玉女解徘徊
丈夫不能離齷齪取榮供妻子又不能仰看屋梁長如
此何必更遭飛燕讒庶幾去作王母使我思問鼎固知
非君如燮理幾時歸玉漿倘惠故人飲佇看茅龍兩兩
飛

送柴豹文

邦直赴羅江楊明府幕

杜甫客居夔陸游官至蜀陸以獨身來杜兼攜眷屬君
自浙東至館我南村塾絃續東家許住久西隣熟多聞

重刊言集卷之
吾不友直諒我誠服我傲似螳螂君常戒滿覆我鈍如
癡蠅君敏父手速自謂平生歡寧云過相督今君又欲
去何自轉歸轍我聞求室者固惟隣是卜人生少知己
得一已云足胡爲棄若遺殊覺不我穀握手各無言更
盡盃中盤

已卯榜後奉高白雲命偕張翼孟郊姜錫蝦張邦

仲陪閔峙庭周立崖兩座師遊草堂寺卽席賦呈
草堂高宴得追陪郊外從遊笑語開天下詩人歸沈宋
座間名望仰歐梅檻林籠竹叨隅坐食葉銜枚愧不才
怪道錦江秋轉麗滿城桃李正新栽

南星鎮果親王墨松歌

親王畫松有仙骨，畢宏韋偃兩超越。偶拈墨筆掃青松，
百尺霜皮挂東壁。蛟螭蟠拏撐碧空，雷雨淋漓垂空蒙。
屈鐵陰森夏寒月，高枝慘烈來悲風。平生見畫亦無數，
對此恍與精靈遇。遙知玉駕駐空山，烟雨淒迷得心處。
卽今深護碧紗厨，憑軒恍若丹青無。不須更問元都郭，
好去同摹蛺蝶圖。

庚辰

岐山縣元日

客路逢元日，他鄉長一年。春波添渭水，曉色入秦川。買

餅家家送門錢戶戶懸故鄉兒女好遙憶拜堂前

平定西域恭紀八首

并序

乾隆乙亥年二月 上命兆惠爲將軍富德爲
之副討平準噶爾闢地二萬餘里奏凱回朝

執戟登壇總舊勲倚天長劍靖妖氛賜騎近接飛龍廐
分衛遙傳控鶴軍號令六丁驚霹靂指揮八陣走風雲
何須搗穴臨槃木諸部先懸鼓角聞

萬里沙塵磧霧收軍門入夜唱涼州前鋒早斷匈奴臂
後寨先懸寡母頭月黑千巖屯虎豹風清萬竈擁貔貅
君王務建梨庭績一破諸臣築室謀

我巢豈教鳥飛高破竹功成總不勞交趾已騎三象至
單于敢跼六驪逃龍沙夜採于闐玉虎帳晨盤大食刀
莫信虜兒多反覆神機早自析分毫

試看傳檄定諸番勒石燕然豈更論三箭相雲驚白狄
一騎踏雪問烏孫狼胥山外無烽火鵬換河邊有戰魂
須信天威從日下來瞻北極斗杓尊

大將馳驅荒落邊經營屯戍白山巔農耕蒼嶺三春地
兵過黃河二月天自昔稱戎誇魏絳于今出塞笑張騫
貳師不用長征戰早見蒼王款右賢

檄槍掃盡暮雲黃日閃旌旗出大荒域外詔歸班定遠

營前爭拜郭汾陽舊聞慣戰青羗卒新看從戎白雲王
從此洗兵臨可跋浩寧音何必問沙場

寒谷陽回草木舒邊庭喜氣盎春初殊方盡望蟠桃使
降表連收貝葉書苜蓿新看肥塞馬芻蕘舊聽憫河魚
投鞍戰士縱橫甚鐵甲行披勇有餘

么膺何異井中蛙蠻觸空爭兩角蝸萬國誰能逞禹會
九嬰甘自伏堯階遠來瀚海知稽首歸去流沙識聚骸
今日方欽神武畧書生何事議珠厓

人風渡黃河歌

狂風動地沙如霧行人望見黃河渡轟轟波聲白晝聞

浩浩不息東南去我聞黃河天上來驚濤巨浪相喧
迢迢一綫眼中起千里萬里聲如雷曉來北風急如駛
河伯勃怒蛟龍起咆哮直入滄海天日月簸蕩珠宮裏
豈是三時蒸嶺雪化爲桃花渡頭水我思崑崙山河水
從中開山高二千五百丈九折乃達軒轅臺世無張博
望安知星宿在何隈却笑河上看河人竟欲捧土填孟
津古今事勢亦非一臨淵結網徒艱辛嗟乎安得風息
水亦息我雖不渡渡亦得

鄴中懷古

鼎足還餘魏室基臨漳遺事祇增悲生平欲表將軍墓

童山詩集卷六

死後空留妓女帷
狐嘯芳林烟滿樹
蛙鳴元武雨平池
只今銅雀俱休問
戲馬臺空又幾時

謁楊忠愍公祠

在容城縣白河鎮

孰爲忠愍孰奸邪
同是書生一念差
縱使無文非孔雀
明正美鈴山岡樂府凡誰能有膽當蛇
此時正氣
雖有毒不能掩文章
歸遺廟當日香風遍
鎖柳取義成仁男子事
汝曹底事太咨嗟

張桓侯廟

在涿州忠義市

古來名將孰如侯
畢竟還君第一流
姻婭君臣同故里
姓名叱咤粗工秋
必逢漢賊方瞋目
既遇將軍肯斫頭

若比中興圖畫像雲臺諸宿盡無儔

滄州署中和同年檢討張鶴林

習

見懷元韻

乍見鴻書眼倍明開緘已屆月嘉平人如晚菊霜能做
詩似寒梅雪妬清欲問舊遊千里隔初來新地百愁生
錦城記得同歡處共上華筵賦鹿鳴

戚繼光燕山紀功碑歌

在密雲縣北門外八蜡廟文爲兵侍汪道昆所撰

檀州城東八蜡廟十面穹碑倚山嶠稜稜兩座峙階楹
矗矗一綫當邊徼當年誰此勒奇勲居民指說戚將軍
坐營家法朝中少殲倭雄聲海內聞憶昨俺荅初通貢
土蠻十萬聞弦控將軍新自海邊來意氣不與單于共

朝廷方重薊門兵萬壘龍旗耀日明
炬點笈笵操馬器雷聲輾轢走車營
是時天子方倚畀十六年中靜無事
密雲聲勢冠諸邊司馬鴻文留姓字
一自旌麾嶺上遊轅門舊卒皆白頭
不聞西域留任尙鄒憶東吳守陸侯
卽今人去高山隕將軍大樹飄零盡
無復貔貅重野宿空餘樵牧驚殘盾
我來不禁日摩挲剩欲拋書請荷戈
旁人撫掌輒相笑壯志功名奈老何

密雲縣省親以出口未見住大悲菴次日回京

禮少趨庭過騎因定省乘不知先出口空自撫愁膺帶
想十圍減城看百堵興悵然却歸去負米竟何曾

時修密雲

城工
已竣

聞張雲谷病

見說侵晨尚卧帷
司閤謝客據常規
未能饋藥慙康子
莫便援歌拒孺悲
雞肋一官同此日
鴈書千里到何時
從來別駕肯聊借
莫遣安仁兩鬢絲

時借補
光州判

寄懷王心齋

緒一

同年時檢發安徽心齋江寧人

霜天木落正冬初
偶向天南賦索居
只怪甫離千里遠
如何不寄一行書
同寮應有膠搜漆
大吏能如水得魚
更喜金陵故鄉地
歸來只用半帆餘

比部孟鷺洲同年用張鶴林見懷韻寄示再和答之

同輿憶昔赴春明豈料今爲國決平自分蒹葭難並倚
相形玉樹本來清升沉未必真前定資格旋成老後生
看取明年腰下劍雌雄仍共匣中鳴

夜雨

晚雨飄蕭陣陣涼驚聞風樹擺琳琅一窗燈火飛蛾撲
幾點芹泥乳燕忙急遣兒童收畫局愁看客子攬衣裳
寒天束手渾無事獨向高天數雁行

雨

日色催晴風色慳天公醞釀作愁顏前村雨樹濃於墨
一幅堆雲大米山

和傅中丞嚴溪栢臺種栢韻二首

登臺領繡衣丰采老堪愛稜稜執法時觸邪真似豸閑
來坐南榻風流細前輩古栢森成林羣鳥朝夕會霜皮
溜白雨老幹聳青翠勢參雲霄表風生臺閣內有時滋
秋聲而地發奇韻以此樹百年無繼吁可怪歸來謀種
栢幸有老成在

先生栢作心推折謀不能遇來手種栢一一虬龍騰我
聞古遺直獨坐稱中丞埋輪與折檻沒則爲神靈卽看
青銅柯沃雪益以貞豈非百怪護晝夜守霜廳似使高
節彰坐嘯亦有情烏棲定何處夔龍今在廷他年應

有客摩挲新栢庭

七夕篇

絳河清淺秋如練
錦棚瓜果羅清燕
垂蘇帳裏夜相邀
穿鍼樓上年相見
此夕深閨陳瓊瑜
此時小閣尋蜘蛛
飛雁月斜度銀漢
流螢夜靜輝金鋪
就中別有傷心妹
思夫遠戍龍沙砦
五色雲霞剪不成
三更風露寒難拜
天南天北鎮相望
誰惜今宵乞巧忙
隔窗戲遣鸚呼侶
捲幔愁看鵲作梁
雙星渡河會何處
美人獨立頻遲顧
緱氏山頭人未還
銀洲界外軍方駐
轉瞬聞干北斗低
雞聲爭向汝南啼
最憐挂布阮家子
亦似停機竇氏妻

安肅道中

霏霏小雨麥初黃
撲鼻風傳餅餌香
村巷誰家倉庾滿
空餘碌碡卧斜陽

垂楊蓋路草平堤
帽影鞭絲觀馬蹄
深巷閉門人正倦
酒旗飄出小橋西

慈航寺贈無本上人
寺扁爲方問亭制軍所題

禪房門對石橋開
滿徑槐陰冒綠苔
名寺必須名筆額
後僧偏拒後人來
千家野色沙邊迥
一片河聲樹裏迴
正擬聽他齋後懺
與人告我夕陽催

松林題壁

濕路惺忪雨遮山澹沒雲東西菴未到大小徑先分有
意鳥相喚無心樹已焚入門吾已悔求懺不須云

琉璃河

油油終長菰蔣野外風收估客檣却憶石湖橋畔句
琉璃河下看鴛鴦

孤雁行爲涿州牧吳鳳翥節母太夫人作

南來孤雁何嗷嗷白雲叫斷霜天高人間隻影誰不有
孤雁一鳴自搔首當年節母守空閨月冷風淒志不輸
一自青年被驚夢頗令白首如鴻孤當年本欲殉夫死
未了其如腹中子淚洒黃泉指此心翠嶺青松誓終始

從此日奉舅姑魚小雛呀呀能讀書子既成名孫成列
四十年來如電掣錦堂春晝開瓊觴猶對華筵淚嗚咽
朝來忽見孤雁翔口內不言心自傷雁乎雁乎吾語汝
切勿重叙從前苦錫爾誥命旌爾貞世間孤雁誰及汝

童山詩集卷七

綿州李調元雨村

辛巳

琉球刀歌

并序

爲王夢樓先生

文治

作先生內子同全侍讀穆

齋冊封琉球所得雪夜出示要余作歌

先生雪夜招我飲寒光逼座半
醅酹興酣出示琉球刀
挂壁魂飛斬蛟影黥魚皮室象鼻條龍雀夏環犀利等
鼎英射目寒生毛正色捧視冠先整爲云前年駕海航
同槎聊得張騫肯翻然直渡姑米洋使舟觸礁紛斷綆

颶風大作黃蛇浮齊呼天妃向東請忽見海面一燈來
如烟籠罩神光回須臾護送馬齒山那霸港中始無警
此邦本鄰土噶喇七島倭人爭鬪逞割髭男兒好佩刀
往往不勝先刎頸出鞘光如雪一團風聲乍過失腰領
可老贈我不敢窺百步遙聞血脾冷傳聞日本初鑄時
煅鍊陰陽聳精緊磨出七百七十鋒白晝陰森擊雷霆
帶時鑢鐵曲作柔用日如囊錐脫穎至今匣有悲號聲
時時霹靂驚夜永不信試看一摩挲白日晶晶天炯炯
我聞此言膽爲寒便欲挾刀斬強梗卽今邊塞多烽塵
安得一揮萬方靜歌罷放刀出門去門外雪花避光景

兩癡老行

我昨夢向東海東忽跨黃鶴騰長空函谷關頭遇老子
鬚眉似雪行似風餌我丹砂授以篆招我攜鋤斫黃龍
赤城絳闕參差是弱水萬里飛如蓬方瞳道士呼爲友
槐山老父許_子童旁有二老撫掌笑倘能如此我得道
回首問渠何姓名秦皇漢武兩癡老

東門行

巍巍大第城門東文柙爲梁泥粉紅風臺月榭若雲霧
半空架起蓬萊宮令公功高龍無比象牙犀簾常晏起
粉黛叢中千毛嬙蒼頭脚下百珠履鳴鐘讌客春光賒

猩唇熊掌作天家美人善作掌中舞術士能栽盆內花
繞座無非優雜輩興酣別喚彈箏伎蜀中新到野狐歌
楚外更傳王豹至子夜歌殘席未終豈知平地起兵戎
堂前頃刻生荆棘羅雀門外多秋風君不見前張陳後
蘇史翻雨覆雲總如此

邯鄲行

妾家本是邯鄲妓明粧墮馬冰肌膩繡襦窈窕彈朱絃
龍婉鸞驚舞交翠折腰錯落鳴六銖合彈小轉勸君醉
勸君醉異君憐願爲天池並蒂蓮鴛鴦雙雙飛上天君
憐不憐妾自知無端絛扇秋風吹夜來多少傷心事肯

立銀屏淚暗垂

壬午

秦鏡歌

爲董東亭作

我聞自漢以來古鏡四十九惟有秦鏡其形方相傳名
爲照骨寶厥制始自秦始皇高五尺九廣四尺照人五
臟無躲藏傳聞宮人起邪念照卽倒影心膽張不知董
子何處得此鏡言自無勞儻采石岸旁我思軒黃液金
作神鑑凡十有五已淪亡後人偶或得其一制度想像
猶可詳先以八卦定八極後以四靈位四方一十二辰
環其外一十四氣羅中央周漢以後形各異圖者象天

方法地周天則有廿八宿拱位三神與八衛以鳳飾而
龍蟠或鱗甲而羽蟲或嘉禾與合璧或比目與連理或
中虛而謂之扶鑑或形貌而各以浮水或肖五嶽真形
圖或象玉女舞乍起其餘亦皆花背與滿背嵌金嵌銀
與片子俱須清瑩徹中邊形影不敗斯爲美況聞方者
品最下何況麤氏失天紀博物雖或張華先貴重不必
秦皇始君不見宣帝有鏡照妖魅常以琥珀盛諸笥天
神所福得佩之從危獲濟登木位又不見天寶初進揚
州銅爐火光中盤真龍詔以五月五日鑄鏡能行雨復
行風還君此鏡三歎息何必如鬼復爲蠹我有寶鏡名

仁壽侯與金鑑一齊奏

古栢行

孔子廟栢青龍蔥托根不與尋常同霜皮黛色株數十
風枝往往鳴商宮勁節亭亭互向背儼如佩笏森相對
小猶合抱況其餘濃陰交接亂明晦其旁一株勢尤殊
蟠鬱雲氣何模糊歲月微茫猶可辨許公所植神爲扶
雷霆白晝蒼龍立元氣淋漓雨聲急斑鱗剝落丹霜秋
百片青銅光熠熠永嘉枯木已千年泥封刀割空連螭
澤澤之光竟何在安得災元撐青天當時元儒誰爲首
千載薪傳推此叟培養良材豈無意要與孔楷爭齊壽

至今偃仰高拂雲流脂落實香芳分飛燕年年雲外見
吟鸞夜夜月中聞成均弟子雍容至摩挲想見先賢意
蒼幹樞門映日寒誰人不向此中庇君不見漢家崇臺
何森森青棠赤棹皆成林材非骨重誰能器人到寒凋
始見欽國子先生偶來止摘葉攀枝吟不已勸爾諸生
卽爾師豫章七年正如此

石鼓歌

文宣王廟千仞宮牆尊肅若九重彤庭嚴丹閣兩旁古
槐翠相相環夾中間位置石鼓臨戟門傳是周宣父時
史籀作旁紀漁狩中載策命諸臣論從甲至癸文百二

十字五百微辨車馬鯉鱖凡六言其餘彭亨菌蠹半隱
霧蒼蘚剝出玉釵刻漏痕紛如松藤轆轤大蛻走坐見
草蟲阜趯相墮蜉蝣水蛇雪鼠蜷蛇不知數中有萬歲蟠
龍昂首噴古來鳥跡蝌蚪亦半妄獨與銅盤焚鼎光義
軒豈非周家守銘吉金用畧同子虎父乙父已獻我來
學省官舍初釋菜側望杏壇禮器思攀援摩挲古物猶
見先王意但覺雷紋饗饗氣壓舉已樽巍如金馬銅駝
屹不動弗用螭螭承負自雄蹲曾經風雨缺齧閱千載
百神呵護晝夜風雲屯細思物理獨占萬古壽不畏昆
明歷劫經秦燔從來神物往往藏大澤顧此片石何處

窮根源憶初女媧煉石補天鬼夜泣墮落琉璃五色輝
煇燉化爲南山峭崿千萬丈蒼茫氣勢勃欲登崑崙自
從巧匠剗中斷山髓混沌忽死不救地媼魂琢成神寒
骨重天廟器始覺寶光照耀流乾坤當時吉甫作頌泐
偉烈萬國帶鳥同會相趨奔文成嵩高下射漆沮水升
阜羣醜競進頭如龜太閼明堂御賓以酌醴擊鼓歡騰
聲如海波翻迄今想見東都車馬肅旌旆有如白雉寶
鼎光紛緼年湮不記維戊寅午日漸教俗眼玩弄加手
捫後來雍州城南委榛莽空餘蛟鼉鸞鳳哀煩冤雖然
幸免摸搨傷皮面却被樵夫牧子拋荒村歷漢及唐至

今乃顯燦有如日月光天炯不昏其間大軍巨艦凡四
徙畢竟安貼安置太學欽繚垣譬如窮儒久處破屋見
星斗移以大厦必自深啣覆庇恩君看正襟危坐體自
正肯隨諸子拱手禮拜駢肩跟方今羣彥莘莘肖楚楚
八方騏驥各各爭雲鸞安得博雅江淹識冢器不教鍾
山甸服傳初孫若問吾儕食古誰能化或者瘦羊博士
今尙存

送大廷尉顧息存先生

汝修冊封安南

南交萬里載威靈祖道都門騎暫停陸賈談天推漢室
臯陶拜命出虞廷馬嘶銅柱蠻烟暗鼉吼金波瘴雨腥

後夜客槎何處望南溟應見斗牛星

寄永清丞陳韞山

珠

地邇京畿密年來報最頻誰言爲政樂翻似在家貧樹
接廬溝遠梁登海淀新泊河聞賈讓不必讓前人

卓文君銅印歌

爲朱青雷作

青雷山人蒼籀徒秦篆漢隸紛笥厨就中銅印製尤古
傳是文君刀筆摹不知何時初出土仙人云出成都府
乾蘚菌蠢字模糊射人古綠精光吐清泉洗出名尚留
想見如荑女手柔其紐爲龜脰左顧賤售不費蠲蝸收
憶昔王孫女初寡遠山不借眉黛假鳳兮一曲求其凰

千古風流屬司馬夫旣能爲犢鼻褌婦亦當壚倚市門
同里未逢楊得意閉門先絕卓王孫一朝駟馬題橋去
玉堂給札君王侍乍聞殿上賦凌雲已見蜀中檄文至
其時此印刻何年共說夫榮妻比肩不似倩麻姑爪
篆古還同玉筋鐫豈知丈夫多異心茂林又復有挑琴
絲綺當年彈已絕白頭此日空長吟由來意氣難如願
一朝委去終身恨篋裏空存封禪書填來祇作酒家券
只今事隔幾千秋不虞此物存荒邱煩君拂拭苔衣繡
印取桃花紙上油

癸未

蒙 恩點翰林院庶吉士恭紀

領髭敢詡掇巍科

是科會試中第二人

獻策彤庭各拜歌兩載

抽毫趨鳳閣一朝曳裾上鸞坡散班玉筍青衫少仙侶
金華黑髮多 盛代崇文真忝竊小臣報稱應如何

涿州送

大人回川路過宋四

觀光

涿州城東日將西下馬相逢握君手問我倉皇何處來
送父不辭百里走我之來樹上烏君之去水中鳬凌空
飛鳥亦常事試問如烏反哺無

送別沈虹舟先生

李補惠

歸吳江

北風吹沙塵土黃師弟牽衣餞別觴別觴未盡出門去

獨騎瘦馬踰河梁先生古文日星爛氣排山岳光紉緹
至今元氣留肝脾孔鼎湯盤無敢玩豈知蹭蹬無縱鱗
名垂金石身艱辛文場百戰第一此才竟教淪風塵
丈夫抑塞不得志焉能齷齪供驅使飄然却向江東去
扁舟茅屋吾歸矣歸來應上受經臺白鹿使者于于來
他時倘遇名班馬與教著作老奇才

先生時以高安令改教授故云

甲申

和陳勾山太僕跋東坡興龍節侍宴真蹟用米老

韻呈座主周立崖先生

於禮

先生字法精入骨笑衛夫人費日月愛學東坡換羊書

若鋒出劖刃新發嘗言魯公筆太肥又言張芝空草劖
昨朝購得清虛堂有如聽江初得法我聞子瞻酷愛王
家兩行十二字野鷺家雞得勿同此意當年片紙不許
藏人間至今萬金始得收中秘先生慕古雖隔世鼻祖
遙遙接蘇氏我亦以指畫破衣壁美貌妍總非是

送別王夢樓先生

文治

由翰林侍讀出守臨安一

百韻

虎綬新承 命鸞坡舊集賢受知緣鄭重話別便纏綿
夫子鍾江口家聲起海堧青細三世遠丹篆一枚圓東
箭材原貴南金質自堅蘇歐文似鑄燕許筆如椽繡虎

工于織雕龍不是鑄銀鈎追逸少玉唾搗公權翰墨千
秋寶文章一日傳席看槐市奪矢已柳枝穿共訝鍾葵
器旋陳東帛羹朝廷行册遣幕府早虛延持節羣推武
乘槎遂附騫陳遵工尺牘阮瑀掌書箋素結三山願從
茲萬里沿揚帆撈海月擊檣破滄烟鼉眼賴波見鰲身
黑浪漩國王排雁齒侍婢夔龍涎綺席花盞舞羅堂竹
拍筵伶僮紅錦襪歌伎翠珠鬟金埒瓊琚響銀盤海錯
鮮十行騎紙馬七宴逐麤絲蠟炬奔趨送龍宮禮畢虔
雲濤原不測風浪竟言旋詩遍鷄林賈名高鶴上仙碎
琴方擲地被壁遂飛大玉筍同時雋瓊林獨占先作元

張五處對策董三篇王酒盄綾餅探花踏繡韁鰲屏榮
禁籞鳳檢耀金蓮珥筆靈和苑濡毫太液泉論文叅赤
管纂史訂青編華國材爲棟擎天玉作礪前賢存汲引
後進敢流連憶昨南宮選時承北學員龍門千尺峻雁
塔幾人聯鎖院蠶聲夜銜枚蟻戰年一枝寧是桂片玉
未爲璇曳白知無分垂青幸有緣瞻韓心自切御李幸
無愆紫殿分丹禁青宮接畫駟趨承時蹠足陪從敢差
肩同日衣冠盛逢春輻輳駢羣公如雨集諸子應星纏
簾爲敲棋捲帷因作字褰烹茶晨謾謾携擲夜闌闌留
客嘗晨釀援賓試暮餽有時徵玩戲無事闕便嬾舞罷

廻紅靨聲遲歛翠鈿燭殘歡倍劇歌歇髻頻偏的的誇
粧靚番番博笑嬌喧嘩翻剩席酩酊上歸鞦還還無離
所朝朝詎舍旃酒罍非逸若宦海忽茫然螻自身安屈
蛟寧老作銍中樞推鄭澣外任重胡詮舊著書三十新
增秩二千從容辭北闕迤邐出南滇紫闥橫袍笏朱幡
奪錦薦路遙金雁驛舟過碧鷄川錢柱標雄麗金沙漾
漪漣瘴雲昏浴象毒霧站飛鳶撞女輪文貝苗民緯木
綿夷風雖洗染蠻俗頗腥膻去禁來廉范驅邪走竺乾
隨車應有鹿逐惡豈無鸛揮吏莎庭靜留僧竹閣禪琴
聲簾寂寂印色草芊芊雨後栽花樹霜前課稻秬此時

章山詩集卷七

風景異遙覺歲年過憶故看雲立思交對月眠山川頻
悵望風月想安便狂狷應相念癡頑幾日痊俗塵勞拂
拭陋體詎翩翩賤子慚桃李才原愧杞桷切思連獻楚
壯悔謬遊燕已作籠中鳥真成殼裏蟬酒邊空跋扈病
後苦虛孱木直原招忌膏明只自煎未能心抑抑祇是
語譏譏放誕稽康懶橫豪米芾顛夢魂疑化蝶鄉思感
啼鵑瓦礫難攻琢芻蕘合棄捐空羣逢伯樂持斷藉輪
扁門立程公雪庄荒陸氏田助山羞細壤輸渤効微涓
養器培松栢知心別蕙荃丁寧行莫玷提命過終悛含
意叅心契忘形解道筌擬將觀後效庶免蹈前愆自喜

洪爐鑄常將品彙甄
頽然離水鏡何處照
姪妍譬彼孤飛翼
誰憐百足虵先生今去矣
弟子益僂焉史館思錢象
蒼生待謝元清方聞一鶴占
定象三鱸經術看宏展
才華必廣宣盛遊當再續
名望豈孤懸絳帳終當侍
綈帷或暫舉飛鴻音定早
莫使思長牽

種芝行

爲唐芝田作

君不見芝田種芝如種穀
九畹苗芽抽或或手攜鴉
觜鋤未終一卷黃庭樹根
讀我聞蒼山五百年風吹
石髓如鐵堅若有人兮餐
雲氣便騎白鹿凌虛烟今
君何處拾此七明九光之
奇種但見朱柯赤箭紛紛
鈎連得毋路

遇綺園叟示君竹刀斫雲母萬歲蟾蜍味如藕又或崑
崙訪蔡誕夜呼祁孔賓爲伴敲折紫藤枝無算不然何
爲貌此玉頻清而豐彷彿看似商山翁恍然車蓋擁宮
闕疑身誤入華陽中我亦丹邱客思隨赤松子安得從
君過銅池生啖黃龍飲其髓

聞祝正塘

德麟

消息二首

昨傳吳地信猶滯閩閭城月夜誰家艇春深何處笙
思千里夢同有五湖情漸看青蕪長哀鴻又北征
鹽官濱海處聞爾有家園樹色濃團屋潮聲夜到門
黑頭他日事青眼幾人存年少今才子聯床若箇論

贈弟桂山 天英

與君生同里聞名未謀面
謁來京師遊選謁始一見
意氣何飛騰神采爛崖電
落筆翻水成讀破知萬卷
譬如換凡骨力藉仙丹捍
不惜百迴吟極口莫能贊
此才揆天庭應待金閨彥
空抱千里志無媒竟誰薦
昨與君縱談明習若素宦
知君樹立然懷珠非自炫
我生寡所偕素性復疎慢
得君不羈人令我狂欲旋
情誼真古人膠漆誰能間
永當對風雨詩酒達晨旦

送蜀閬房師于東臯

中行

由隆昌壁徐州司馬

徐州佐治沐新恩儒雅風
流道範存此日喜陪司馬席

當年愧領小龍門

已卯調元以弟五名領房

行看綠樹幃帷遠望

到黃樓絳帳尊我是師門最遲弟不堪老別暗聲吞

六月初一日雨後借侍講周稚圭升桓成進士城

邀集舍人沈南雷士齋中分韻作歌得燈字

今年五月多霖雨垂檐白練如穿繩吹帷注面風習習
蕭齋默坐成癡蠅念我休文南隣北泥沒展齒何由登
曉來城上鴉翻樹豁見西山霽色澄清晨欲往徑命駕
敲扉不待雙童應主人攤書正高卧笑起握手欣來朋
燕京客舍苦無事相與大叫呼憑陵打門忽報周公入
軒軒意氣何飛騰座中成子殊駿擊鬪奇射覆無不能

相逢酣呌傾五斗十千沽酒真如泥人生對酒不快意
百歲轉瞬如風燈男兒窮達自有命但須胸次清於水
何必低頭附炎熱齷齪澁求哀矜疎懶從教官長罵
狂歌那禁旁人憎維時徂暑苦蒸鬱黑蜮不見焦烟凝
與沙撲扇汗如泚蔭楠移坐前廳棚興酣呼出雲中月
滿天星斗森孤稜醉來起舞鐵如意服看屋角濃雲崩
咫尺雨雹愁僮僕催歸街鼓聞鑿鑿夜闌得句雜夢寐
急追好境書溪藤明日示君應咋指酒語無付詩胥臆
勸君欲飲徑相覓邇來酒價方陡增

放歌行送別別駕唐芝田

侍坐

之江南兼懷夢樓

先生

尊酒勸君且莫罄我試放歌看姑靜歌長聲高響入雲
四座爲我傾耳聽憶昔少年輕遠遊出門四顧無九州
結交盡是平原客受辱不作淮陰侯人生三十猶年少
飛騰變化誰能料却憶去年黃公壚日與吾輩同歡笑
子居巷北我巷南得便卽覓不用名祖跡呼盧靡不爲
醉歸屢被官長誚當時程門魚徐遠曹竹虛宋若擅風流丹
徒夫子文采尤絕妙邇來聚散何紛紛千里萬里傷離
羣昨日門前君送人今日門前入送君日斷南天鴻雁
過垂楊走馬趁斜曛酒亦不可盡歌亦不必續君不見

鴈鳳雖別駕方能展驥足

送朱子穎

孝純

之蜀作宰

十年聚首興何長
分手無端各一方
塵世知交人寂寂
天涯客路海茫茫
猿啼萬樹衰斜月
馬蹏千峯劍閣霜
自古詩人例到蜀
好將新句貯行囊

此行攜鶴歷蠶叢
走馬盤關一綫通
棧樹遠分殘雪外
人家多在夕陽中
故人他日思今雨
大雅當時想古風
到蜀若煩開石室
也應化俗似文翁

子穎子歌

子穎子穎髯如戟
浪中無物氣無敵
二十年前早知名

驛騎作駒汗流血朝來作賦長安市一日碎琴驚帝里
拂衣不到七貴門提筆何曾百篇止去歲京華始識面
意氣形神兩相視白日慘淡秋風高爾時見君何雄豪
我聞詩人例窮蹇失意行往追風騷奇才抑塞古亦有
酣歌據地真吾曹子穎子不見生入玉門之班超不見
東海騎鯨之李白雲臺畫像竟何人劍術飛仙爾亦得
何爲一上孝廉船坐使金門空射策龐公豈是百里才
賈生誰與問前席昨日辭我之劔南我是劔南未歸客
去住俱爲異地人人生離合真無極少陵去蜀仍蠶叢
天特遣君爲鑪關故教走馬錦江邊要使清吟奪江碧

當今 盛世奏雲門懸器要須韶護音風雲際會君姑
待莫道星星白髮侵

送舍人徐蒸遠

步雲

回南

驚飈淒以肅凍雪欲封瓦寒烏繞窓啼似訴遠離者我
友慘欲別號天泣如鴻去去從此辭晨裝催秣馬雞鳴
哭出城風樹爲瀟灑夢聽長鬚報急送已在野明知去
必遙車驅追亦且道逢送者還睚闕淚未下寄語翻慰
我失聲爲喑啞問我無飛翼不如且歸也何處望烏帽
京塵深沒蹠延佇知無益徘徊自難捨歸來覓鴻寄愁

吟對燈炮

水床行

北風吼樹樹欲動雪滿城濛濛爲凍曉起行人冰上行
歷歷冰床往來送床走如飛不用槳底蓋皆平几枕傲
不篷不帳坐來敞僅可容人三或兩一人負縛走如奔
恍疑直渡銀河上造次不怕狐聽疑玻璃琢就平於掌
大魚潛服不敢動錯認江面蒲帆響豈知名床却似船
船人叉手向余言不見江頭船戶吏歛錢官司查照候
如年不如此船無用處日暮得錢自歸去

觀東坡興龍節侍宴真蹟歌

並序

周立崖座師於上元節在琉璃敞購得東坡興

龍節待宴真蹟是夜出示門人編修彭元瑞汪
新及調元等共加賞鑒同門請泐石以公諸人
至冬始竣各搨一本見賜因作長歌

趙宋法書誰第一東坡先生古無匹棗木刊肥世鮮真
墨豬空笑盈糊矣吾師立崖真好古百金收購爲綴補
斷縑怪底等連城由來辨香蘇其祖酒酣出示驚賓朋
千年遺墨復今覩是夕百枝燈花開高軒明月流金杯
開緘奕奕銀鈎動光爭火樹輝瓊瑰嗟哉至寶未湮滅
日月猶記興龍節蝴蝶碎亂空復憐顛使展觀三嘆息
憶昔侍講通英殿日高陪從東宮宴黃緞西清賜玉堂

感泣金蓮夜歸院玉皇灑翰無時無漆光射天驚諸儒
紫薇草罷招贊普袖中三十四驪珠豈知文墨亦遭忌
九泉檜根能作崇坐令此帖落人間竟無片石傳後世
我師何處得此紙空教金多貴人悲傳觀石渠諸史官
及門亦得從旁觀豈意慨然壽之碣各頒一本工甫完
拜賜何啻千金璧歸摹臨池水應黑君鄭朱派繼者誰
對此空令淚沾臆

王夢樓先生命題城市隱居圖

達人厭塵居反向城中住豈真愛城闔習自無塵故先
生本仙藉香案掌文賦天惜斯文墜降下玉堂署城陰

結茅屋過植皆花樹獨酌理琴書焚香脫巾屨只此滌
凡襟何必山林住乃知枕石流要是捷徑路 聖朝無
遺才不才乃見棄先生豈真隱留爲隱者悟

題楊妃春睡圖

華萼樓前春色闌華清浴罷曉粧殘別宮昨夜聞宣喚
傳道君王飲玉環宿醒未解春眉蹙扶歸皂帳人如玉
帶雨芙蓉起砌床正是海棠春睡足寶釵斜墜綰烏雲
金屏烟裊香氤氲日移磚影隨簾轉風動鈴聲隔院聞
那知鼙鼓驚春夢香魂錯認流鶯呀深宮昇出錦綳兒
塵滿漁陽萬軍開可憐劍閣雨淋鈴渭水東流不可聽

一自長眠馬嵬月千載黃泉喚不應

送崔孝廉述落第歸大名

崔君鬱鬱不得意匹馬走出長安去未及五里十里程
折盡千條萬條樹此時車馬如雲屯此時俯首前趨奔
入投風雨晴時店家在雲烟盡處村崔夫子吾語爾不
須更抱李薦恥不見鸞鳩榆枋捨不見縱鱗羞盤委六
月之息一瞬爾胡爲悼嘆在泥滓崔夫子請一觴我爲
長歌寬君腸君歸倘去漳河上好掬雲濤瀚七襄他年
一舉挾雲漢安知不在玉皇旁

雷琴歌

并序

朱青雷好琴頃得古琴於京師膠漆剝落彈之
有殊聲令良匠開腹裁綴腹中有大唐雷氏製
五字旁有宣和小印其長三尺餘頭曲如拱其
赤如新栗殼斷紋隱起似虺蛇有銘文剝蝕不
可識考雷氏蜀人其先有雷威斲琴無爲山中
以指候之五音未得忽一老人指示曰上短一
分頭豐暖殺已日施漆戍日設絃則可鼓矣如
法斲之無不佳絕世稱雷公琴其傳者有霄盛
珏文迅諸名按國史補錢塘沈振蓄一琴名曰
冰清腹有晉陵子銘書大歷三年三月三日上

底蜀郡雷氏斲奉詔書貞元十一年七月八日
再修士雄記或謂晉陵子杜牧道號篆法類李
義山此琴但言雷氏而不詳何名且亦無大歷
開元等號青雷素好古豈亦有所據歟又言銘
文剝蝕豈故滅其迹以驚奇歟宣和小印据琴
苑宣和殿百琴堂有雷氏琴則爲御府故物亦
未可知但恐真贋相參爾青雷索余作歌因據
所聞以答之

青雷示我雷氏琴黑蛟踊出如奔霖古漆無光捫不得
挂壁往往聞龍吟細觀石軫損未理蟲書漫漶記雷氏

桐柯已沒不知年市兒拾得帶都市買歸那惜東陽業
縮絲爲袋玉爲圖小篆旁印宣和年良嶽所藏母乃是
我聞雷琴各有銘宋人所買皆題名雷威造有松雪字
雷霄製有松風聲玉澗名水雷迅斲九霄瑜珮雷文成
其餘雷盛與雷珏不出靈如借水清歐陽三琴蘇十三
雖無字號時世明玉徽瑟金徽時品第一一皆至精
此琴何名復何代不應剝削字全廢但據琴苑小印爭
真贗懔懔難爲對况自徽歛南燼來所見存者惟春雷
樊氏路氏俱劫火底事雷氏猶餘灰從來神物有靈氣
請君考定方珍貴落花流水亦古琴試看鼠畏與不畏

送編修宋小巖歸回吳

姑蘇多佳人，艷者顏如玉。亦復產佳士，玉中比結綠。我友宋小巖，蛾眉等曼睩。若比西方人，定應稱二玉。可憐不字貞，與我通款曲。三載偕步趨，校書直天祿。有如雙飛禽，相聚水中浴。翩翩厲其羽，並頸時相逐。昨日駕在門，告言返舊屋。執手爲躊躇，淚下不能續。奈何同心人，遽赴天一角。目逆而送之，何時手重握。相期臭如蘭，此外無他屬。

寄懷王夢樓先生六十韻

文章重知遇，世事感垂幹。秋風別河汾，雲散瞻羣傑。綢

昔初遇李龍門何硨磲逡巡我不前立階敢踰越先生
徐進之執手笑盱眙師乎實友也要在神交密叩頭謝
此言此意銘於骨向來荒學圃抱甕方搢搢春風一月
坐此情頗不屑京師盛朋遊還往豈能絕譬如濁河翻
淮源各自潔薰蕕倘不辨終必歸隙末朝廷方重才
揆藻各欲竭我師鳴其盛灝氣倒溟渤於時奎星聚穎
川事堪述建安七才子曹劉我先休曹文植劉種之前輩真飛
騰勝事頗記瞻賤子虱其間躁甚鼠失窟有時學呻吟
有如魚刺乙日枉高軒過愧無李賀筆家留瓊瑤詞句
壓岫嶠碣豈知偶與奇翻覆見顛蹶當年執牛耳登壇

各秉鉞別來黃公補蕭條感華髮武源離倏已故昨聞
淚嗚咽此才我所庸詩在主孟列天若假之年大器成
晚節竟主芙蓉城花落鵲啼血逝者固已矣生者復盼
隔小朱鉞孝而純母病所藥訣春輝不獲報泪灑扶桑
日家對吳公楸歸夢雲帆切白塗徐孺子步繼宗臣而
出獻賦來長安飛黃才一瞥試席見孤雛交以立談決
劉蕢落第時孟夏月在旱銜嘆折家書急買南歸棹此
別不銷魂其心無乃鐵迴憶蹇驢句西風爲颺颺悲遠
詩有老父年七十唐子侍亦人豪簪筆能盤折中丞之
出門無蹇驢之句子侍子孫燕翼實貽厥燕京歌舞場屢共金搏抃每逢燭地

時腸斷秋波溢客歲在淮南一官等蠅蟻遙知定高眠

傲吏成坦率子穎不羈人

朱孝純

奇才屈受繼侯門不低

頭甘卧潭潭室吾師真康成微賤得鑒拔與之釜與臠
歸見妻孥說嚴霜出劍南雪棧流澌冽此時到草堂哦
詩知抱膝凡此數君子東西走疲茶有似掃沙散恨無
縮地術茫茫雲際鴻杳杳天低鵲明月元度思秋風茂
陵渴在者惟芷塘

德麟

肝膽對之豁歲暮始來京適師云

在浙今得臨安書

念舊言屹屹讀罷望西山雖見飛鳥

滅側身天南雲碧峰高笑兀